



Broj: T09 0 KT 0189164 23
Sarajevo, 07.05.2025. godine

OPĆINSKI SUD U SARAJEVU
S A R A J E V O
Sudiji za prethodno saslušanje

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), **p o d i ž e m**

O P T U Ź N I C U

Protiv:

KENANA UZUNOVIĆA, rođen 1993. godine, sa prebivalištem po CIPS-u na adresi, sa boravištem na adresi (privremeno boravi kad ima sjednice Parlamenta) i boravi u ulici, sa završenom VSS, Fakultet političkih nauka, po zanimanju komunikolog, zaposlen u Federalnom parlamentu, zastupnik u Predstavničkom domu Parlamenta F BiH, oženjen, otac dvoje mladb djece, lošeg imovnog stanja, po nacionalnosti Bošnjak, državljanin Bosne i Hercegovine, nije služio vojni rok, nije odlikovan, nema čin rezervnog vojnog starješine, ne vodi se u vojnoj evidenciji, JMBG:, **neosuđivan** i ne vodi se drugi postupak,

Što je:

Dana 12.05.2023. godine u Sarajevu, prilikom davanja iskaza u Kantonalnom tužilaštvu Kantona Sarajevo na Zapisnik o saslušanju svjedoka broj T09 0 KTAK 0185609 23 od 12.05.2023. godine u krivičnom predmetu broj T09 0 KTAK 0185609 23 koji je formiran po službenoj dužnosti, a na osnovu novinskih članaka objavljenih povodom medijskih istupa Kenana Uzunovića, gdje je iznio navode da mu je nuđen novac od strane njemu nepoznate muške osobe, kako na Sjednici Parlamenta FBiH kao zastupnik u Zastupničkom domu Parlamenta FBiH ne bi glasao za novu Vladu FBiH, te nakon što je propisno upozoren da je davanje lažnog iskaza u krivičnom postupku u F BiH krivično djelo propisano članom 348. stav 3. u vezi stava 1. Krivičnog zakona Federacije Bosne i Hercegovine, za koje je zapriječena kazna zatvora od 6 (šest) mjeseci do 5 (pet) godina, u svojstvu svjedoka dao lažan iskaz u vezi sa dokazivanjem izvršenja krivičnog djela Davanje dara i drugih oblika koristi iz člana 381. stav 1. KZ F BiH, na način što je, nakon što je u svojoj izjavi na predmetni zapisnik naveo i pojasnio da je dana 05.03.2023. godine posjedovao i koristio mobilni telefonski aparat Samsung Galaxy S21 Plus 5G sa pratećom SIM karticom telefonskog

broja, te sa istim tog dana izvršio audio snimanje razgovora sa NN muškom osobom koja mu je nudila novac kako na Sjednici Parlamenta FBiH kao zastupnik u Zastupničkom domu Parlamenta FBiH ne bi glasao za novu Vladu FBiH, lažno izjavio da je nekoliko dana nakon inkriminisanog događaja predmetni snimak izbrisao, a navedeni mobilni telefonski aparat promijenio i da od tada više nije u posjedu istog, svjestan da na navedeni način kao svjedok u krivičnom postupku daje lažni iskaz, što je i htio, jer je znao da predmetni mobilni telefonski aparat Samsung Galaxy S21 Plus 5G sa IMEI brojem nije promijenio niti otuđio, odnosno isti je bio aktivan i u njegovom posjedu na njemu poznatom mjestu i u vrijeme saslušanja u prostorijama KTKS, da bi potom istog dana, nakon završetka saslušanja, navedeni mobilni uređaj na kojem se nalazio snimak uništio, tako što je u povratku iz Sarajeva otišao do kuće svog prijatelja M.T., na adresi, te u pomoćnom objektu - kotlovnici koja se nalazi pored kuće uništio telefonski aparat spaljivanjem ubacivši ga u peć – kotlovnicu.

Dakle, kao svjedok u krivičnom postupku u Federaciji BiH dao lažan iskaz,

Čime bi, Kenan Uzunović počinio krivično djelo Davanje lažnog iskaza iz člana 348. stav 3. u vezi stava 1. KZ FBiH.

KANTONALNI TUŽILAC